

indiferentes de casa. *Bonum certamen certavi, cursum consummavi, fidem servavi.*

Este Edicto será leído en todas las Iglesias de la diócesis el primer domingo después de recibido, y se fijará en las puertas ó paredes de las mismas, hasta la venida de nuestro Sucesor.

Dado en el Palacio episcopal de Monterrey, á 26 de Diciembre de 1884.

✠ IGNACIO,

Obispo electo de San Luis Potosí,  
Administrador Apostólico de Linares.



NOTAS Y DOCUMENTOS.



BULA DE ERECCIÓN DEL OBISPADO DE LINARES.

PIUS EPISCOPUS SERVUS SERVORUM DEI AD PERPETUAM REI  
MEMORIAM.

Relata semper ab Ecclesia militanti in Verbo illius qui firmam supra petram ædificavit eam, contra principem tenebrarum victoria, quemadmodum per inducta quandoque inter Populos in mortis umbra sedentes Crucis vexilla quandoque vero per novos etiam in sinu credentium Episcopatus, in medio aliorum veluti nova fidei tentoria ad propugnacula erectos ad resistendum validius humani generis Inimico ac custodiendam et defendendam Civitatem Sanctam ac Vineam Domini electam fuit omni tempore non sine Predecessorum Nostrorum gaudio ac spirituali Christifidelium profectu ac solamine recognita. Nos ita, quos licet immerentes regimine ejusdem Ecclesiæ constituit Dominus Illam Trophæis in dies illustroribus quantum in Nobis est ac cum ipso Domino possumus ditare cupientes, dum animo revolvimus et deprehensum habemus quam facile sit ex nonnullarum Diœcesum amplitudine ut oriantur abusus, quamque difficile eos inde sic ortos eliminare et evellere ex debito idcirco Pastoralis Officii, ne in medium prodeant Apostolicæ Potestatis gladio præeuntes cuicumque incommodo per novarum Cathedralium erectiones comitante principum Catholicorum pietate viam precludere satagimus, ut tandem benedicente Domino, qui exiguis incrementum dat, labores Nostros omnes populi tenebris licet ignorantie obvoluti quod paravit Dominus ante faciem eorum lumen propius videntes

majores et condignos in Ecclesia hujusmodi bonorum operum fructus ac virtutum flores Altissimo cum gratiarum actione uberius valeant exhibere. Cum itaque sicut nuper ex insinuatione charissimi in Christo Filii Nostri Caroli Hispaniarum Regis Catholici per dilectum Filium Josephum Nicolaum de Azara, ejus negotiis apud Nos et Sedem Apostolicam præpositum Nobis facta accepimus ad dicti Caroli Regis audientiam ex representatione a Regali consilio in consultationes diei Trigesimæ Mensis Octobris Anni Domini Millesimi septingentesimi septuagesimi secundi sibi facta pervenerit quod alias diversis et successivis temporibus, videlicet sub annis ejusdem Domini Millesimo septingentesimo trigesimo sexto ac Millesimo septingentesimo trigesimo septimo et Millesimo septingentesimo trigesimo octavo Predecessori suo gloriosæ memoriæ Philippo eo nomine Quinto dum viveret Hispaniarum itidem Regi Catholico ex nonnullorum fide dignorum parte relatis quæ ab Indis Ethnicis in Littorali Sinus Mexicani Regione morantibus, assiduo patrabantur invasionibus latrociniiis et sævitiis quodque intus hujusmodi Regionis districtum uberta pabula terræ fertiles locupletesque auri et argenti fodinæ absque cultura et respectu usu existebant ac de cetero quam facili dispendio Infideles ipsi ad Catholicæ Religionis amplexum et evangelicæ Veritatis sequelam reduci simulque suo et Successorum suorum earumdem Hispaniarum Regum dominio ac rationis urbanitatis et civilium artium legibus subdi potuissent, secus autem quam gravia ex tunc novo Legionensi Regno damna et pericula ex eorum parte imminabant nisi expedite curata foret Regionis hujusmodi Habitatorum conciliatio eorumque spiritualis æque ac temporalis acquisitio, idem Philippus Rex de præmissis instructus tam per hujusmodi quam per aliam sibi jam præventive ab eodem consilio de ipsius Philippi Regis ordine in alia simili consultatione previo maturo examine respective factas expositiones pro ipsius Catholicæ Religionis augmento, zelo permotus suo, tunc temporis pro novo Hispaniæ Regno constituto, Pro-regi toto commisso negotio districtius ei dederat in mandatis ut ea super re de qua scripserat discutienda calatis comitiis eam deputaret vigilem expertamque personam quæ manum operi tuto valideque admoveret. Ac re ipsa licet per aliquod temporis exequutio præmissorum suspensa remanserat de anno tamen ipsius Domini Millesimo septingentesimo quadragesimo sexto pro hujusmodi mandatorum adimplemento selecto ab eodem Pro-rege preclaro Viro Josepho de Escandon Militum Tribuno ad infrascripta peragenda constituto, ei desuper opportuno presidio idem Josephus super hujusmodi Regionis facie collatus et illius explorato circuitu

tunc primum retulit qui Coloniarum numerus pro Indorum hujusmodi acquisitionis securitate foret instruendus, situm insuper in quo earum unaquæque pro tuta vicissim recipienda defensione ædificari debuisset quod denique populo territorio et subsidiis indigeret, deinde vero omnimoda sibi ab eodem Pro-rege in vim decreti ab eo in generalibus Comitiis in Civitate Mexicana de anno præfati Domini Millesimo septingentesimo quadragesimo octavo habitis, editi auctoritate tributa operam ita navare cepit ut benedicente Domino octodecim in circuitu ipso Colonias instruxerit et quindecim prope illas ex gente jam tunc conciliata Missiones instituerit cæteris omnibus qui suæ renuere voluntati territorium illud linqere penitus et omnino coactis. Verum in sua de gestis hujusmodi ad Auditorem Belli sub Anno dicti Domini millesimo septingentesimo quinquagesimo primo transmissa et per Auditorem ipsum ante dicto Proregi insinuata informatione cum inter cætera quæ singillatim adhibenda proposuit media de unius maxime Episcopatus erectionis in eo circuitu faciendæ necessitate suaderet ac sequenter sæpe fatus pro-rex statutis interim quæ sine mora pro Coloniarum earumdem Populi subsistentia provisione indigebant super hujusmodi erectionis suscepturo negotio tam pro laudatum Philippum Regem per unam quam Regium ipsum Concilium per alteram Epistolam diei sextæ mensis Decembris ejusdem anni Millesimi septingentesimi quinquagesimi primi reddiderit certiores. Factum est inde ut proposito hoc ipso matureque discussa erectionis hujusmodi necessitate in alia simili sub die vigesima septima mensis Decembris anni ejusdem Domini millesimi septingentesimi quinquagesimi secundi desuper habita consultatione, supradicto Proregi iterum mandatum extitit ut in re tanti momenti prius an vera mittendi novum eo illuc Episcopum necessitas urgeret illaque vero probata qui foret uniuscujusque coloniarum hujusmodi respective habitatorum numerus et in illis utrum aliqua existeret in qua novus Episcopus tuto morari valuisset et Decimæ in ipso circuitu annuatim percipi solitæ an pro honesta ipsius Episcopi ac novo insuper erigendæ Cathedralis Ecclesiæ illiusque capituli sustentatione sufficere possent accuratius faceret inquiri et respective referret ac alias prout in ejusdem Philippi Regis Diplomate sub die vigesima nona mensis Januarii anni præfati Domini millesimi septingentesimi quinquagesimi tertii desuper expedito plenius continebatur, cum autem sicut etiam accepimus ex eo tempore quatuordecim jam fere annorum spatium effluxerit absque eo quod tam serio demandata inquisitio tum stante gemina pro regum variatione tum etiam obitu ipsius Philippi Regis interea superadvento perficeretur de anno denique ip-

sus Domini millesimo septingentesimo sexagesimo septimo tunc existens in eo pro-regis munere Successor mandata hujusmodi nondum adimpleta perspicens ea nimirum occasione qua dilectum quoque Filium Josephum Osorio de Llamas virum Jurisconsultum ad eandem sinus Mexicani Regionem expediit ei simul injunxit integram præmissorum indaginem ut suum desuper sehsu votumque aperiret, eo itaque plaudenter functo munere secundo dictus Josephus sub die videlicet vigesima octava mensis Februarii anni ejusdem Domini millesimi septingentesimi sexagesimi noni adamussim retulit se prius facta longitudinis æque ac latitudinis mentione supradictæ Regionis in ea vigintitres jam vere instructas invenisse colonias quarum cujusvis animarum numerum simul redactum ad centum quinquaginta mille ac quatuor centum et sexaginta unam ascendere nonnullas vero eisdem coloniis sub una scilicet Mexican. et ei propinquiorem centum et viginti nonnullas alias sub alia de Mechoacan. eique pariter propinquiorem centum et quinquaginta, reliquas autem sub reliqua diœcesibus de Guadalaxara respective comprehensas biscentum respective leucis ab Archiepiscopali Mexican. et Episcopalibus de Mechoacan. et de Guadalaxara hujusmodi respective Sedibus distare ac novi Regni Legionen. prefati provincias Coahuilæ et Texas terramque de Saltillo ab ipsa de Guadalaxara et loca insuper de Jaumabe et de Palmillas ac Real de los Infantes et Tula respective nuncupata ab eadem de Mechoacan. respective civitatibus a quibus respective dependent eo etiam remotiores existere ut unamquamque ex dictis sedibus inter et respective colonias ac provincias et loca hujusmodi tam aspera itinera pravosque transitus intercedere ut fieri non possit ut Archiepiscopus Mexican. et de Mechoacan. ac de Guadalaxara respective Episcopi pro tempore existentes sine eorum valetudinis evidenti discrimine eo illuc causa explendæ pastoralis visitationis accedant, seu si accedere sit datum raro tamen ob id visitatio hujusmodi fiat, adeoque ipsarum coloniarum incolis spiritualia auxilia plerumque deficiant, et prava germina quæ non raro in agro Domini succrescunt non valeant inde tempestive succidi, addito quoque ut numerato pecude et annuali ex circuitu ipso decimarum proventu ac respective explorato congruentiori loco pro tuta unius Episcopi residentia, locum ipsum videlicet in infrascripta terra de Linares aptissimum et ab omni Barbarorum incursu utpote in nono supra dicto Legionensi Regno existentem prorsus exemptum, redditus vero presentanei futuro tamen non comprehenso notabili eorum augmento ex ipsa Episcopatus erectione in eo Americæ Dominio facienda obventuro satis superque pro novi Episcopi illiusque Capituli decenti

manuentione sufficere respective repererit, proptereaque sic stantibus præmissis in Domino putaret ut si dicta terra de Linares que de cetero temperati optimique climatis existit civitatis Episcopalis titulo decoraretur et in ea unus Episcopatus de Linares nuncupandus in infrascripta Parochiali Ecclesia ut infra suppressenda erigeretur, illoque sic erecto eodem Coahuilæ et Texas respective provinciæ seu Gubernia et Territorium predictæ terræ de Saltillo ab una scilicet de Guadalaxara prefata autem de Jaumabe et de Palmillas ac Real de los Infantes et de Tula ut præfertur respective nuncupata loca eorumque etiam respective territoria ab alia de Mechoacan. ac eo omnes ex supra-dictis coloniis ab infrascripta Mexican. Diœcesi dependentes ab ipsa et reliqua Mexican. respective Diœcesibus perpetuo etiam respective dismembrarentur et novo huic Episcopatu sic erigendo pro illius territorio et Diœcesi adjicerentur et aggregarentur, omnesque et singulæ decimæ ex eisdem provinciis locis et coloniis sic ut præfertur obvenientes et ad ipsum Carolum Regem spectantes necnon ipsius suprascriptæ Parochialis Ecclesiæ fructus redditus et proventus ac emolumenta quæcumque novæ mensæ Episcopali pro illius et dicti Episcopi de Linares illiusque Capituli ut infra pariter instituendi respective dotatione prout in aliis Episcopatu in eisdem Indiis erectionibus consuetudo fuit applicarentur et alia etiam infra exprimenda fierent ex hoc profecto nedum Archiepiscopi et respective Episcoporum præfatorum commodo quieto et tranquillitati simulque spirituali eorumdem populorum pabulo peropportune provideretur, sed etiam ipsi infideles in eo circuitu ut supra degentes facilius Deo propitio reducerentur et ab eis quacumque superstitione et idolorum cultu deleta christiana religio, ars agraria, commercium, ratio, urbanitas et industria inibi respective inducerentur ac denique reformatis in Clero tam Seculari quam Regulari que censura digna noscuntur ad populorum ædificationem ecclesiastica et religiosa munia exactius adimplerentur et Secularium officiorum administratio majori fieret rectitudine necnon remoto quovis invasionum metu ejusdem Regni consuleret insecurity ac redditus Ærarii Regii per amplius in dies augerentur prout in ipsa secundo dicti Josephi desuper facta relatione plenius et uberius continetur proindeque idem Carolus Rex supradictis necessitate et utilitate necnon mediis et provisione inspectis ac ut præfertur probatis ejusdem erectionis opus tam felicibus inceptum auspiciis et quo nil carius atque ucundius ad Regis æterni gloriam fideique catholicæ propagationem gerit in corde por Nos rite perfici vehementer desiderans per eumdem Josephum Nicolaum ejus nomine Nobis humiliter supplicari fecerit quatenus erectionem ip-

sam aliaque infrascripta concedere dignaremur, Nos igitur qui omnibus et singulis circumstantiis superius expressis matura consideratione pensatis congruam esse censemus novæ Sedis Episcopalis in supradicta terra institutionem eamque ab omnia alia per Nos ut infra disponenda Catholicæ Religionis augmento christifidelium ædificationi et spirituali consolationi divinique cultus incremento valde profutura confidimus, eximium ejusdem Caroli Regis zelum et religiosa desideria plurimum in Domino laudantes eaque Apostolicæ Nostræ benignitatis ministerio prosequi volentes motu proprio et ex certa scientia deque Apostolicæ potestatis plenitudine parochialem Ecclesiam in dicta terra de Linares sitam illiusque titulum collativum nomen denominationem naturam et essentiam ita quod illa ex nunc deinceps perpetuis futuris temporibus collativa esse desinat ac de cætero uti talis in titulum collativum quavis auctoritate conferri vel impetrari seu de illa quovis modo disponi amplius nequeat et si illam deinceps ullo umquam tempore conferri seu impetrari vel alias de illa disponi contigerit collationes impetrationes aliæque dispositiones de illa pro tempore quomodolibet factæ nullæ et invalidæ nulliusque roboris vel momenti existant neminique suffragentur nec cuiquam jus vel coloratum titulum possidendi tribuant Apostolica auctoritate perpetuo supprimimus et extinguimus illisque sic suppressis et extinctis eandem terram de Linares in novo regno Legionensi hujusmodi quod nova Hispania novique Santanderii in Indiis occidentalibus colonia vocatur ut prefertur existentem in civitatem Episcopalem de Linares etiam nuncupandam cum omnibus juribus honoribus et prerogativis quibus aliæ civitates pontificali Sede insignitæ in eisdem Indiis occidentalibus earumque cives utuntur, fruuntur, potiuntur et gaudent atque uti frui potiri et gaudere possunt et poterunt quomodolibet in futurum dictam vero parochialem Ecclesiam per Nos ut prefertur suppressam et extinctam de potestatis plenitudine pari in Cathedrali Ecclesiam de Linares etiam nuncupandam sub invocatione Conceptionis Beatæ Mariæ Virginis Immaculate Hispaniarum Patronæ extituram pro uno deinceps Episcopo de Linares similiter nuncupando qui eidem Cathedrali Ecclesiæ illiusque civitati per Nos ut infra erigendis necnon Diœcesi etiam de Linares per Nos etiam ut infra assignandæ præsit dictamque Parochialem Ecclesiam sicut prefertur suppressam et extinctam et in Ecclesiam Cathedrali etiam ut prefertur erectam ad tramites prescripti per leges Regni hujusmodi et literarum regiarum in earumdem Regum margine insertarum in forma Ecclesiæ Cathedralis construi et redigi faciat et in ea tot dignitates ac Canonatus et Prebendas inter quas Theologalis et Penitentiaria respective

nuncupatæ prebendæ existant, cum opportuno et competenti Cappellanorum per quorum alterum cura animarum pro tempore existentium parochianorum dictæ parochialis Ecclesiæ per Nos ut prefertur suppressæ et extinctæ et in Ecclesiam Cathedrali etiam ut prefertur erectæ et institutæ debeat exerceri, et aliorum officialium et ministrorum numero quæ et qui pro divini cultus et Ecclesiastici Cleri decore sibi videbuntur convenire ac alias juxta numerum Canonicorum aliorumque ministrorum aliorum Capitulorum Cathedralium Ecclesiarum eidem Archiepiscopo Mexican. Metropolitico jure subjectarum, previa tamen earum et eorum congrua et quæ pro illarum et illorum pro tempore respective obtinentium substantatione sufficiat et illarum partium decori respondeat respectiva dotatione ex infrascriptis decimis et redditibus novæ mensæ Episcopalis infrascriptæ ab ipso futuro Episcopo de Linares constituenda et assignanda quam primum fieri poterit ac deinceps eos omnes alios Canonatus easque omnes respective prebendas quos et quas idem Carolus rex in ipsa Cathedrali Ecclesia de Linares per Nos ut prefertur erecta et instituta pro sua in Deum pietate fundare arbitrabitur respective erigat et instituat, necnon Episcopalem jurisdictionem exercere omniaque et singula que ordinis quæquæ jurisdictionis et cujusvis alterius muneris Episcopalis sunt et quæ aliis tam in eisdem Indiis et prefati Archiepiscopi Mexican. suffraganei existentis quam alibi ubicumque constituti Episcopi in suis respective Ecclesiis Civitatibus et Diœcesibus de jure vel consuetudine ac alias quomodolibet ex privilegiis gratiis et indultis ac dispensationibus Apostolicis desuper quecumque fuerint etiam per literas Apostolicas desuper nominatim et in specie concessa auctoritate et facultate suffulti facere et quibus uti volent et possunt pariformiter æque principaliter et absque ulla differentia perinde ac si sibi quoque nominatim et in specie concessa et expressa fuissent in sua Diœcesi de Linares ut infra assignanda facere gerere et exercere libere et licite possit et debeat ac eidem pro tempore existenti Archiepiscopo Mexican. suffraganeus eique Metropolitico jure præfato subjectus existat cum Sede mensa aliisque insigniis Episcopalibus necnon præeminentiis honoribus privilegiis immunitatibus et gratiis spiritualibus et temporalibus personalibus realibus et mixtis quibus cæteræ Cathedrali Ecclesiæ Indiarum hujusmodi similiter de jure vel consuetudine aut speciali privilegio seu indulto Apostolico vel alias quomodolibet utuntur potiuntur fruuntur et gaudent ac uti potiri frui et gaudere poterunt Apostolica auctoritate præfata ad Dei omnipotentis laudem et gloriam Deiparæque Virginis Immaculatæ honorem fideique Catholicæ exaltationem etiam perpetuo erigimus instituimus et insuper a Diœcesi scilicet de Guadalaxara supradictas